

Ուժեղորեն կհամբուրեմ քեզ, ինչպես և քույրդ և բոլոր ընկերները, որոնք զիս կճանչնան հեռվեն կամ մոտեն, կուրծքի վրա կսեղմեմ բոլորդ, մնաք բարով»¹։

Մանուշյանի գնդակահարությունից հետո չեն դադարում հետապնդումները նրա այրու՝ Մելինեի նկատմամբ։ Այդ ժամանակ նրան իր տանը ապաստան է տալիս Շառլ Ազնավուրի հայրը՝ Մամիկոնը²։

1945 թ. սեպտեմբերին հատուկ որոշմամբ Միսաք Մանուշյանի այրին՝ Մելինե Մանուշյանը, հաստատվում է Երևանում։ 1946 թ. ՀՍՍՀ միևիստորների խորհրդի որոշմամբ նրան, որպես «Ստալինգրադ» ջոկատի հրամանատարի և հերոսի այրու, նշանակվում է ամսական 500 ռուբլի թոշակ³։

Ֆրանսիացի նշանավոր բանաստեղծ Լուի Արագոնը 1947 թ. մարտի 6-ին Փարիզի դահլիճներից մեկում տեղի ունեցած հավաքույթի ժամանակ, որը նվիրված էր հայ ժողովրդի պոեզիային, ասել է.

«Հայ ժողովրդի տառապանքի դիմաց Ֆրանսիայի բազմաթիվ մտավորականներ իրենց թանաքը գործածեցին՝ նպաստելու նրա ազատության գործին։ Բայց հայ ժողովուրդը թանաքի տեղ իր արյունը տվեց Ֆրանսիայի ազատագրության համար։ Երբեք չեմ մոռանա պատերազմի ժամանակ Ֆրանսիայի բոլոր անկյուններում պատերի վրա փակցված մեծածավալ ծանուցումները... նրանց պետք հայ էր՝ Մանուշյանը, որի գնդակահարման տարելիցն է զուգադիպում այս հավաքույթը։ Գավառի մի խուլ անկյունում, անծանոթ մի ձեռք այդ ծանուցումներից մեկի վրա գրել էր.

«Մեռան Ֆրանսիայի համար»։

Մենք չենք կարող մոռանալ ձեր ժողովրդի մասնակցությունը մեր հայրենիքի ազատությանը»⁴։

ՀԱԿՈՔ ԳՐԻԳՈՐՅԱՆ

ԽՈՐՀՐԳԱՅԻՆ ՄԻՈՒԹՅԱՆ ԱՐՅԱՆԱՀԱՅ ՀԵՐՈՄՆԵՐԸ /ՂԱՏՄԱՀԱՄԵՄԱՏԱԿԱՆ ՎԵՐԼՈՒԾՈՒԹՅՈՒՆ/

Երկրորդ համաշխարհային պատերազմում ֆաշիզմի դեմ տարած հաղթանակում իր արժանի ավանդը ներդրեց նաև հայ ժողովուրդը։ Նրա ավելի քան 600 հազար զավակներ, որից ավելի քան 300 հազարը խորհրդային Հայաստանից, 1939 – 1945թթ. տարբեր ռազմաճակատներում ու զորատեսակների կազմում, գործում մասնակցություն ունեցան մարտական բոլոր գործողություններին՝ փառքով պսակելով հայ ժողովրդի մարտական հարուստ ավանդույթներով լի պատմությունը։ Հայ ռազմիկներից ավելի քան 200 հազարը զոհվեցին թշնամու դեմ մղված արյունահեղ մարտերում՝ ոսկե տառերով գրելով իրենց անունները պատերազմի տարեգրության էջերում։ Ճակատամարտերում ցուցաբերած խիզախության և կատարած անօրինակ սխրանքների համար շուրջ 70 հազար հայոր-

¹ «Անվետական Հայաստան», 1944 թ. օգոստոսի 7, հ. 213, էջ 3։

² ՀՀ ՆՊ ԿՊԱ, ֆ. 362, ց. 7, գ. 86, թ. 1-3։

³ Տես նույն տեղում, ֆ. 113, ց. 57, գ. 520, թթ. 1, 7, 9։

⁴ Տես նույն տեղում, ֆ. 1029, ց. 1, գ. 137^ա, թ. 6։

դիմեր պարզևատրվեցին շքանշաններով ու մեդալներով, իսկ նրանցից առավել աչքի ընկած 105-ը արժանացան Խորհրդային Միության հերոսի կոչման¹։ Այդ կոչումը սահմանվել էր դեռևս 1934թ. ապրիլի 16-ին՝ ԽՍՀՄ Կենտրոնականի որոշմամբ, որպես պատվավոր կոչում, գերազանցության բարձրագույն աստիճան։

1934 – 1991թթ. ընթացքում հերոսի կոչում է շնորհվել շուրջ 13000 մարդու, որոնցից 11633-ին 1941 – 1945թթ. Հայրենական Մեծ, 412-ին՝ Խորհրդա - Ֆիննական և 93-ին՝ Խորհրդա - ճապոնական պատերազմներում, իսկ մնացածը խաղաղ ժամանակաշրջանում կատարած սխրանքների համար։

Երկրորդ համաշխարհային պատերազմում հերոսացած 12138 խիզախները հանդիսանում էին ԽՍՀՄ 62 ազգերի ու ժողովուրդների զավակներ։ Հերոսների համաստեղության շարքում հայերը հրեաների հետ միասին գրավում են պատվավոր 5-6-րդ տեղերը ռուսներից, ուկրաինացիներից, բելոռուսներից ու քաթարներից հետո²։

Ինչպես արդեն նշել ենք, Խորհրդային Միության հայ հերոսների թիվը 108 է։ Համեմատության կարգով նշենք, որ վրացի հերոսների թիվը կազմել է 89, իսկ ադրբեջանցիներինը՝ 43։ Փաստերը ցույց են տալիս, որ ադրբեջանցի համարվող հերոսների իրական թիվը ավելի քիչ է, քանի որ նրանց մի զգալի մասը քրդեր են, թալիշներ, թաթեր, լեռնաին հրեաներ և այլ ազգություններ³։

Մեր հաշվումներով հայ հերոսներից 35-ը Խորհրդային Հայաստանից են, 4-ը արևմտահայ, 27-ը՝ Արցախից, 23-ը՝ Ռուսաստանից, 13-ը՝ Վրաստանից, 5-ը՝ Ադրբեջանից և 1-ը՝ Ուկրաինայից։ Ինչպես տեսնում ենք, Խորհրդային Հայաստանի սահմաններից դուրս՝ ԽՍՀՄ տարբեր հանրապետություններում ապրած հայերից ամենից շատ հերոսներ տվել են արցախահայերը։ Դա պատահական չէ, որովհետև հայ ժողովրդի բազմադարյան պատմությունը ցույց է տվել, որ Արցախը դարեր շարունակ եղել է պատմական Հայաստանի հյուսիս - արևելյան կողմի հուսալի վահանը, որի բնակիչները քոչվոր զավթիչների դեմ մղված մարտերում միշտ էլ աչքի են ընկել իրենց նախնածնի քաջությամբ, համառությամբ և տոկունությամբ։ Պատմական որոշ ժամանակաշրջանում Արցախը նույնիսկ հանդիսացել է հայ ժողովրդի ազգային-ազատագրական պայքարի կենտրոն։ Միայն ցարական Ռուսաստանի բանակին արցախահայերը տվել են 9, իսկ Խորհրդային բանակին 23 զեներալ, 3 մարշալ, 3 ծովակալ, հազարավոր սպաներ⁴։

Սինչ Խորհրդային կարգերի հաստատվելը Արցախը 1805–1918թթ. եղել է Ռուսական կայսրության Ելիզավետպոլ նահանգի, իսկ 1918–1920թթ. Հայաստանի Հանրապետության կազմում։ Անդրկովկասում առաջինը Ադրբեջանում Խորհրդային կարգերի հաստատումը, 1921թ. Հայաստանում ստեղծված բարդ ու հակասական իրադրությունը, ինչպես նաև Բաքվի նավթի գործոնը, հնարավորություն

¹ Տես Հայրությունյան Կ.Ա., Հայ ժողովրդի մասնակցությունը երկրորդ համաշխարհային պատերազմին (1939-1945թթ.), Եր., 2001, 15, 9-10 (ընդհանուր առմամբ հայ հերոսների թիվը 108 է, քանի որ հետպատերազմյան տարիների խաղաղ աշխատանքի բնագավառում կատարած սխրանքների համար հերոսի կոչում է շնորհվել ևս 3 հայորդու)։

² Հաշվումները կատարված է մեր կողմից՝ Герои Советского Союза. Историко-статистический очерк, М., 1984 и Герои Советского Союза. Краткий биографический словарь, М., кн. 1, 1987, кн. 2. 1988 աշխատությունների հիման վրա։

³ Տես Հայրությունյան Կ.Ա., Սանուկյան Դ.Դ., Հայ ժողովրդի ավանդը Հայրենական մեծ պատերազմում տարած հաղթանակում 1941-1945թթ., Ե., 2001, էջ 126։

⁴ Տես Վիրաթյան Ա., Չիրջ դարերի խորքից, Ե., 1998, Նշանավոր արցախցիներ (ռուսերեն), Ե., 1992։

տվեցին Ադրբեջանի ղեկավարությանը ճարակորեն օգտվելու ընծեմված հնարավորություններից և ստիպել ՌԿ(Բ) կոմկասյան բյուրոյին նույն թվականի հուլիսի 5-ի որոշմամբ գերազանցապես հայ բնակչություն ունեցող երկրամասը «նվիրաբերել» Ադրբեջանին: Շատ լավ հասկանալով, որ այդպիսի մի խոշոր հայաբնակ երկրամասում վտանգավոր կլինի վարչական մեկ միավոր ստեղծելը, խորամանկ և հեռատես ազերիներն Արցախի հայաշատ բնակավայրերը բաժան-բաժան արեցին իրարից և նրանց մի զգալի մասն արհեստական վարչա-տարածքային վերաբաժանման հետևանքով անջատեցին Լեռնային Ղարաբաղից:

1923թ. հուլիսի 7-ին Ադրբեջանի կազմում ստեղծվեց Լեռնային Ղարաբաղի ինքնավար մարզը: Ղարաբաղից անջատված հայկական բնակավայրերն ընդգրկվեցին արհեստականորեն ստեղծված նոր վարչատարածքային՝ Շամխորի, Խանլարի, Դաշքեսանի (Քարհատի), Գետաբեկի և Շահումյանի շրջանների միջև:

Բացի այդ, որպեսզի Լեռնային Ղարաբաղի ինքնավար մարզը ֆիզիկապես բաժանվի Խորհրդային Հայաստանից, իրենց «ինտերնացիոնալիստ» հորջորջող ազերիները 1923-1929թթ. Հայաստանի և Ղարաբաղի միջև ստեղծեցին այսպես կոչված «Կարմիր Քուրդիստան» հանրապետությունը, որը որոշ ժամանակ անց վերացվեց ու ստեղծվեցին Լեռնային Ղարաբաղը արևմուտքից ու հարավից մայր Հայաստանից կտրող Քյալբաջարի և Լաչինի ադրբեջանական շրջանները: Դեռ ավելին, երբ սկսվեց երկրորդ համաշխարհային պատերազմը, ապա Մեծ Հայրենականը, Ադրբեջանի կառավարությունը, օգտվելով առիթից, հանրապետությունում ապրող հայերին զանգվածաբար ռազմաճակատ ուղարկեց ի հաշիվ ադրբեջանացիների: Պատմական գիտությունների դոկտոր, Արցախի պատմության նվիրյալ Հրանտ Աբրահամյանի վկայությամբ, Հայրենական Մեծ պատերազմի տարիներին գործող բանակ է զորակոչվել Լեռնային Ղարաբաղի ինքնավար մարզի հայ բնակչության մեկ երրորդը, այսինքն 45 հազար մարդ, որոնցից 22 հազարը զոհվել է ռազմաճակատում:²

Համարյա նույն թվերն են բերված Շահեն Մկրտչյանի աշխատանքներում:³ Ըստ վերջինիս, պատերազմի տարիներին ռազմաճակատ է զորակոչվել ԼՂԻՄ-ի հայ բնակչության 30%-ը:⁴ Չափազանց արժեքավոր փաստեր են բերված Հրանտ Աբրահամյանի և Շահեն Մկրտչյանի վերջերս համատեղ հրատարակած գրքում. Հայրենական մեծ պատերազմը (1941-1945թթ.) նպաստավոր պայմաններ ստեղծեց, որպեսզի հայկական Հաղորդի շրջանի բնակչության 38%-ը, կամ բացարձակ թվերով՝ 8267 հոգու զորակոչեն գործող բանակ, - ասված է այնտեղ: Հազար մարդու հաշվով դա 5-6 անգամ ավել էր, քան ադրբեջանական շրջաններից էին զորակոչվել: Ինչպես ասում են, մեկնաբանություններն ավելորդ են: Պատկերը նման է եղել նաև Հյուսային Արցախում: Պատմական գիտությունների դոկտոր, պրոֆեսոր Խիկար Բարսեղյանի հաշվարկներով, միայն Շահումյանի շրջանից պատերազմի տարիներին գործող բանակ են զորակոչվել ավելի քան 15 հազար

² Տես Մկրտչյան Ը., Արցախում են ուրիշ պատերազմ տեսա, Ե., 1996, էջ 5-7:

³ Տես Աբրահամյան Հ., Արցախյան զոյամարտ, Ե., 1991, էջ 68:

⁴ Տես Մկրտչյան Ը., Լեռնային Ղարաբաղի ինքնավար մարզ (ուղեցույց), Բաքու, 1970, էջ 9, Արցախ, Ե., 1991, էջ 72:

⁵ Մկրտչյան Ը., Լեռնային Ղարաբաղը Հայրենական մեծ պատերազմի տարիներին, Բանբեր Հայաստանի արխիվներին, Ե., 1985, թիվ 1, էջ 111-127:

⁶ Աբրահամյան Հ., Մկրտչյան Ը., Արցախի համար զոհված դիզակցիները, Ե., 2000, էջ 15:

հայեր, որոնցից ավելի քան 5 հազարը զոհվել են ռազմաճակատում:¹ Ըստ Բորիս Սարկիսովի, միայն Շամխորի շրջանի Չարդախլու հայկական գյուղից ռազմաճակատ է զորակոչվել գյուղի բնակչության ավելի քան 35%-ը՝ 1200 մարդ, որից զոհվել են 320-ը:² Միայն Չարդախլուն իր պատմության ընթացքում տվել է 2 մարշալ, 7 գեներալ, 3 գնդապետ, 180 տարբեր կոչումների սպաներ:³ Պատերազմի տարիներին զորակոչը Յուսիսային Արցախի հայաշատ շրջաններում նույն պատկերն է ունեցել ինչ Լեռնային Ղարաբաղում: Մեր մոտավոր հաշվումներով, շուրջ 35 հազար հայեր: Այսպիսով, Արցախից ընդհանուր առմամբ պատերազմի տարիներին բանակ է զորակոչվել ավելի քան 80 հազար հայեր, որը կազմել է բնակչության 30%-ը, նրանց շուրջ կեսը զոհվել են ռազմաճակատում: Եթե բանակ զորակոչված արցախահայերի քանակը համեմատենք ԽՍՀՄ-ից նույն ժամանակաշրջանում զործող բանակ զորակոչվածների թվի հետ, որը կազմել է երկրի բնակչության 18%-ը,⁴ իսկ Խորհրդային Չայաստանի բնակչության 20%-ը,⁵ ապա տեսնում ենք, որ Լեռնային Ղարաբաղում և Յուսիսային Արցախում հայերի զորակոչը գերակատարվել է ավելի քան 12%-ով, իսկ որոշ շրջաններում էլ ավելի՝ 20%-ով: Սա մեկ անգամ ևս ապացուցում է այն փաստը, որ Խորհրդային Ադրբեջանի կառավարությունը, օգտվելով պատերազմի ընթեռնած նպաստավոր պայմաններից, պլանավորված կերպով իրագործել է Արցախի հայաթափման նախորդ մշակած իր ոճրագործ ծրագիրը:

Չմայած Ադրբեջանի կառավարության կողմից Արցախի գերակշիռ մեծամասնությունը կազմող հայ բնակչության նկատմամբ կիրառած միտումնավոր հանցավոր քաղաքականությունը, արցախահայությունը ֆաշիզմի դեմ մղված պայքարում պատվով կատարեց հայրենիքի հանդեպ ունեցած իր սրբազան պարտքը՝ տալով Խորհրդային Միության 27 հերոս, Փառքի շքանշանի երեք աստիճանների 6 ասպետ, 3 մարշալ, 3 ծովակալ, 23 գեներալ, ավելի քան 30 հազար շքանշանակիրներ ու մեդալակիրներ:⁶

Ժամանակագրական առումով արցախահայերից 3-ը Խորհրդային Միության հերոսի կոչման են արժանացել 1940, 2-ը՝ 1942, 4-ը՝ 1943, 10-ը՝ 1944, 5-ը՝ 1945, 2-ը՝ 1946 և 1-ը՝ 1975 թվականներին:

Հերոսություն կատարելիս նրանցից 3-ը ունեցել են գեներալի, 1-ը՝ գնդապետի, 2-ը՝ փոխգնդապետի, 3-ը՝ մայորի, 1-ը՝ կապիտանի, 14-ը՝ լեյտենանտի (այդ թվում կրտսեր և ավագ) և 3-ը՝ սերժանտի զինվորական կոչումներ:⁷

Պատերազմի հաղթական ավարտից հետո արցախահայ հերոսներից հովհաննես Բաղդամյանին շնորհվել է Խորհրդային Միության մարշալի, Չամազասպ Բաբաջանյանին՝ Ջրահատանկային զորքերի գլխավոր մարշալի, Միքայել

¹ Տես Բարսեղյան Խ., *Չայ ժողովրդի ավանդը Չայրենական մեծ պատերազմում. տարած հաղթանակում*, Ե., 1995, էջ 56:

² Саркисов Б.А., *Не зови, не зови, колокол*, Е., 1988, с.3.

³ Տես Վիրաբյան Ա., *Գիրք դարերի խորքից*, Ե., 1998, էջ 10, *Նշանավոր արցախցիները (րուսերեն)* Ե., 1993, էջ 48-147:

⁴ *Гриф секретности снят: потери Вооруженных Сил СССР в войнах, военных действиях и военных конфликтах. Статистическое исследование*, М., 1993, с. 139.

⁵ К.А.Арутюнян, *Кому нужны военные "уточнения" достоверности исторических исследований*, *Вестник общественных наук*, 2, Е., 2000, с.179.

⁶ *Հաշվումները կատարված են մեր կողմից:*

⁷ *Հաշվարկները կատարել ենք Կ.Ա.Չարությունյանի՝ Չայ ժողովրդի մասնակցությունը երկրորդ համաշխարհային պատերազմի մեծագրության տվյալների հիման վրա:*

Պարսեղովին զեներալ-գնդապետի, Գրիգոր Բաղյանին և Կոնստանտին Նազարյանին (Նազարով) զեներալ-մայորի կոչում: Պատերազմի տարիներին՝ 1943թ. հոկտեմբերի 16-ին, զեներալ-մայորի կոչում էր շնորհվել Անդրանիկ Ղազարյանին:

Արցախահայ հերոսներից 16 հոգի ծառայում էին հետևազորում, 4-ը՝ հրետանային զորամասերում, 4-ը՝ օդաչու էր, 2-ը՝ տանկիստ, իսկ 1-ը՝ հեծելազորային:

Հերոսի կոչման արժանալու պահին նրանցից Հովհաննես Բաղրամյանը հանդիսանում էր 1-ին Մերձբալթյան ռազմաճակատի հրամանատար, Միքայել Պարսեղովը՝ 7-րդ բանակի հրետանու պետ, Անդրանիկ Ղազարյանը՝ 74-րդ հրաձգային դիվիզիայի, Համազասպ Բաբաջանյանը՝ 20-րդ գվարդիական մեքենայացված բրիգադի Կարապետ Բաղյանը՝ 71-րդ հրաձգային գնդի հրամանատար: Խորհրդային Միության կրկնակի հերոս Նելսոն Ստեփանյանն առաջին անգամ այդ բարձր կոչմանն է արժանացել ավիատեղակի, երկրորդ անգամ՝ ավիագնդի հրամանատարի պաշտոնում: Ռաֆայել Գաբրիելյանը (Կապրելյան) Հայրենական մեծ պատերազմի տարիներին եղել է 89-րդ ավիատրանսպորտային գնդի հրամանատար, իսկ հերոսի կոչման արժանանալիս՝ ԽՍՀՄ վաստակավոր փորձակող օդաչու (15.05.1975թ.): Արցախահայ մնացած հերոսներից 4-ը եղել է գումարտակի, 2-ը՝ մարտկոցի, մեկը՝ վաշտի, մեկը՝ ավիախաղողիչիայի, 7-ը՝ դասակի, 2-ը՝ ջոկի, 1-ը՝ հրանոթի հրամանատար, 1-ը՝ գումարտակի կոմիսար, 1-ը՝ ավիախաղողիայի շտուրման:

Ըստ տարիքային հասակի հերոսի կոչում շնորհելու պահին ամենամեծ տարիքն ունեցել է Հովհաննես Բաղրամյանը՝ 47 տարեկան (ծնվել է 1897թ. դեկտեմբերի 2-ին, հերոսի կոչման արժանացել 1944թ. հուլիսի 29-ին և 1977թ. դեկտեմբերի 1-ին, իսկ ամենափոքր տարիքն ունեցել է Աուրեն Գասպարյանը (Կասպարյան) 20 տարեկան (ծնվել է 1924թ. օգոստոսի 15-ին, հերոսի կոչման արժանացել է 1944թ. նոյեմբերի 18-ին): Մնացած հերոսներից 9-ը ծնվել են 1901-1910, 12-ը՝ 1911-1920, իսկ 4-ը՝ 1921-1924 թվականներին: Խորհրդային Միության հերոս Միքայել Պարսեղովը ծնվել է 1899թ. հունիսի 15-ին, հերոսի կոչման արժանացել՝ 1940թ. մարտի 21-ին: Ինչպես տեսնում ենք, արցախահայ հերոսների միջին տարիքը կազմել է 33 տարեկան:

Արդեն նշել ենք, որ արցախահայ հերոսներից 9-ը այդ բարձր կոչմանն արժանացել են հետմահու: Մնացած 18 հերոսներից 11-ը պատերազմից հետո շարունակել են զինվորական ծառայությունը, իսկ 7-ը՝ վերադարձել են խաղաղ աշխատանքի ճակատ: Այժմ արցախահայ հերոսներից կենդանի են մնացել 2-ը՝ Կոնստանտին Նազարյանը (Նազարով) և Հրանտ Ավագյանը, նրանցից առաջինը ապրում է Մոսկվայում, իսկ երկրորդը՝ Ղնեպրոպետրովսկում:

Լեռնային Ղարաբաղի ինքնավար մարզից թվով ամենաշատ՝ 6 հերոս տվել է Ատեփանակերտի շրջանը. Կոնստանտին Նազարով (զ.Խնձրիստան), Աուրեն Պետրոսյան, Վլադիմիր Հովհաննիսյան (երկուսն էլ Ռև գյուղից), Երեն Ղանիելյան, Գևորգ Հակոբյան (հորեղբոր որդիներ, Արանգամին գյուղից) և Աուրեն Գասպարյան (Ղլիդբաղ գյուղից): Այնուհետև Շուշիի շրջանը՝ 5 հերոս. Անդրանիկ Ղազարյան, Նելսոն Ատեփանյան, Ռուրեն Բաղիդյան (երեքն էլ Շուշի քաղաքից), Հրանտ Ավագյան (զ. Քարինտակ) և Ռաֆայել Գաբրիելյան (ծնվել է Բաքվու մշուշեցի հայտնի բժիշկ, պրոֆեսոր Հովման Գաբրիելյանի ընտանիքում): Չորս հերոս է տվել Մարտունու շրջանը, Միքայել Պարսեղով (զ.Մեղրադիշեն-Կոլխազաշեն), Իսահակ Մանասյան (զ.Խերխան), Արամ Աաֆարյան (զ.Հաղորտի) և Իվան Շահում-

յան (գ.Պառավարութեամբ): Երկուական հերոսներ են տվել Մարտակերտի՝ Գրիգոր Չայրապետյան (գ Մինգրելսկ), Թեմիկ Ավթանդիլյան (գ.Մարտակերտ) և Չաղդուրի շրջանները. Արման Չայրիյան (գ.Տող), Աշոտ Գասպարյան (գ.Դուդուկալի): Այսպիսով, միայն Լեռնային Ղարաբաղի ինքնավար մարզը տվել է Խորհրդային Միության 19 հերոս:

Ինչպես արդեն նշել ենք, արցախահայ մնացած 8 հերոսները Չյուսիսային Արցախի ծնունդ են: Երեք հերոս է տվել Խանլարի շրջանը. Էդուարդ Այանյան, Ղազարոս Ջաջարյան (երկուսն էլ Գետաշեն գյուղից), Վաղինակ Ջաջարյան (գ.Մարտունաշեն): Երկուական հերոսներ են տվել Շամխորի՝ Յուզիաննես Բադրամյան, Չամազասպ Բաբաջանյան (երկուսն էլ Չարդախլու գյուղից) և Ղաշքեստանի (Քարիատի) շրջանները. Խաչատուր Մելիքյան (գ.Ջազլիկ), Գրիգոր Բադյան (գ.Խաչակապ): Մեկ հերոս է տվել Շահումյանի շրջանը. Գարեգին Բալայան (գ.Գյուլիստան):

Այժմ տեսնենք, թե արցախահայ հերոսները Խորհրդային Միության ո՞ր հանրապետության և արտասահմանյան ինչ երկրների տարածքներում են կատարել իրենց անմահ սխրանքները, կամ ո՞ր ճակատամարտերում և ռազմաճակատներում են նրանք հերոսացել:

Մեր ուսումնասիրությունը ցույց է տալիս, որ արցախահայ 27 հերոսներից 14-ը հերոսի կոչման են արժանացել Խորհրդային Միության, իսկ 13-ը՝ արտասահմանյան երկրների (Ֆինլանդիա, Արևելյան, Չարավարենյան և Կենտրոնական Եվրոպայի) տարածքներում տեղի ունեցած մարտական գործողությունների ժամանակ ցուցաբերած քաջագործությունների համար: Չերոսներից երեքը՝ Միքայել Պարսեղով, Գրիգոր Չայրապետյան և Խսահակ Մամասյան, բարձրագույն կոչման են արժանացել 1939թ. նոյեմբերի 30 – 1940թ. մարտի 13-ը տեղի ունեցած Խորհրդաֆիննական պատերազմում՝ Կարելական պարանոցի շրջանում հալառակորդի ուժեղ ամրացված Մանեերհայմի գծի պաշտպանությունը ճեղքելու ժամանակ կատարած սխրանքների համար:¹ Չերոսներից 6-ը՝ 74-րդ հրաձգային դիվիզիայի հրամանատար, զեներալ-մայոր Անդրանիկ Ղազարյանը, 69-րդ հրաձգային դիվիզիայի 120-րդ հրաձգային զնդի առանձին քիմիական պաշտպանության դասակի ջոկի հրամանատար, սերժանտ Իվան Շահումյանը, 16-րդ զվարդիական հեծյալ դիվիզիայի 60-րդ զվարդիական հեծյալ զնդի 4-րդ էսկադրոնի գնդացրային հաշվարկի հրամանատար, ավագ սերժանտ Երեմ Դանիելյանը (երեքն էլ Կենտրոնական ռազմաճակատից), 69-րդ մեքենայացված բրիգադի 1-ին մոտոհրաձգային զուևարտակի հրամանատար, կապիտան Գարեգին Բալայանը (Կորոնեժի ռազմաճակատ), 5-րդ զվարդիական օդադեսանտային բրիգադի 3-րդ զուևարտակի հրամանատար, զվարդիայի ավագ լեյտենանտ Աուրեն Պետրոսյանը (2-րդ Ուկրանիական ռազմաճակատ) և 295-րդ հրաձգային դիվիզիայի 1040-րդ հրաձգային զնդի զուևարտակի հրամանատար, մայոր Գևորգ Չակոբյանցը (3-րդ Ուկրանիական ռազմաճակատ) այդ բարձր կոչմանն արժանացել են լայնահուն Դնեպրը առաջինների թվում զետանցելու և նրա աջ ափին հենակետեր գրավելու ժամանակ ցուցաբերած խիզախության համար: Վերոհիշյալ հերոսներից առաջին երեքը Դնեպրը հաղթահարել են Բելոռուսիայի, մյուսները՝ Ուկրանիայի տարածքում: Բացի վերը նշված երեքից, Ուկրանիայի ազատագրման մարտերում են հերոսացել ևս երկու արցախահայեր՝ 206-րդ զորոհային ավիադիվիզիայի 503-րդ զորոհային ավիագնդի ավիաէսկադրիլիայի հրամանատար, կապիտան Արմեն

¹ Кинга а. Героах, Е, 1985, с. 11-16.

Հայրենի (Հայրավային ռազմաճակատ) և 20-րդ մեքենայացված բրիգադի հրամանատար, գվարդիայի գնդապետ Համազասպ

Բաբաջանյանը (1-ին Ուկրաինական ռազմաճակատ):¹ Նմանապես 2 արցախահայեր հերոս են դարձել Բելոռուսիայի ազատագրման ժամանակ. 1-ին Մերձբալթյան ռազմաճակատի հրամանատար, բանակի գեներալ Յովհաննես Բաղդամյան և 2-րդ Բելոռուսիական ռազմաճակատի 380-րդ հրաձգային դիվիզիայի 1264-րդ հրաձգային գնդի դասակի հրամանատար, լեյտենանտ Ղազարոս Ավագյանը: Հիշեցնենք, որ 1955թ. մարտի 11-ին Յովհաննես Բաղդամյանին շնորհվել է Խորհրդային Միության մարշալի, իսկ 1977թ. դեկտեմբերի 1-ին՝ կրկնակի հերոսի կոչում՝ ԽՍՀՄ Ձինված ուժերին մատուցած ծառայությունների, Հայրենական մեծ պատերազմում ցուցաբերած հերոսության և ծննդյան 80-ամյակի առթիվ:² Այսպիսով, Ուկրաինայի և Բելոռուսիայի տարածքները գերմանաֆաշիստական զավթիչներից ազատագրման մարտերում 10 արցախահայեր արժանացել են Խորհրդային Միության հերոսի կոչման (5-ը՝ Ուկրաինայում, 5-ը՝ Բելոռուսիայում):

Ուկրաինայի և Բելոռուսիայի երկնակամարում է մարտնչել նաև Հեռահար ավիացիայի 1-ին ավիադիվիզիայի 101-րդ ավիագնդի ավիաեկադրիլայի շտուրման, մայոր Աշոտ Գասպարյանը (Կասպարով): 1942թ. օգոստոս-1944թ. օգոստոս ամիսների ընթացքում ռմբակոծիչ օդային կատարել է 305 թռիչք, որոնց ընթացքում ռմբակոծել է Դնեպր գետի վրայի հակառակորդի անցարանները, թշնամու խորը թիկունքում գտնվող ռազմավարական կարևոր նշանակության օբյեկտները, անգնահատելի օգնություն ցույց տվել Բելոռուսիայի և Ուկրաինայի պարտիզաններին:³

Երկու արցախահայեր Խորհրդային Միության հերոսի կոչման են արժանացել Ռուսաստանի Դաշնության Կուրսկի, Օրյոլի և Բելգորդի մարզերի տարածքներում տեղի ունեցած ծանր մարտերում: Նրանցից՝ Հայրավարմության ռազմաճակատի 227-րդ հրաձգային դիվիզիայի 777-րդ հրաձգային գնդի գումարտակի հրամանատար, լեյտենանտ Խաչատուր Մելիքյան. հետմահու հերոսի կոչման է արժանացել 1941թ. դեկտեմբերի 7-ից մինչև 1942թ. հունվարի 8-ը Բելգորդի և Կուրսկի մարզերի՝ Պրոխորովկա, Պերեսիպ, Օռլովկա, Ջորինսկիե Դվորի և Օբոյան բնակավայրերի շրջանում տեղի ունեցած մարտերում կայացած սխրանքների համար:⁴

Օրյոլի մարզի Ուլյանովոյի շրջանի Տրոստյանսկի և Բելիյ Վերխ գյուղերի մոտ 1943թ. հուլիսի 12-13-ը տեղի ունեցած կատաղի մարտերում (Կուրսկի ճակատամարտ) ցուցաբերած խիզախության համար նույնպես հետմահու, հերոսի կոչման է արժանացել Բրյանսկի ռազմաճակատի 11-րդ գվարդիական հրաձգային դիվիզիայի 27-րդ գվարդիական հրաձգային գնդի 9-րդ վաշտի դասակի հրամանատար, գվարդիայի լեյտենանտ Վլադիմիր Յովհաննիսյանը (Իոնոսյան):⁵

1941թ. ամռանը և աշնանը Հայրավային և Լենինգրադյան ռազմաճակատներում կատարած 58 մարտական թռիչքների համար 1942թ. հոկտեմբերի 23-ին

¹ Տես նշվ. աշխ., էջ 32, 41, 65, 34, 78, 91, 76, 180:

² Տես Հայրությունյան Կ.Ա., Մարշալ Բաղդամյան, Ե., 1997, էջ 106:

³ Ռուսաստանի Դաշնության Պաշտպանության Նախարարության կենտրոնական արխիվ (այսուհետև՝ ՌԴՊՆԿԱ), ֆ.33, ց. 793756, գ.20, թթ. 373-375:

⁴ Նույն տեղում, գ. 31 թթ. 32-34:

⁵ Նույն տեղում, գ. 19, թ. 235:

Խորհրդային Միության հերոսի կոչում է շնորհվել Բալթյան նավատորմի ռազմածո-
դային ուժերի 8-րդ ավիաբրիգադի 57-րդ ավիագնդի ավիաօդակի հրամանա-
տար, կրտսեր լեյտենանտ Նելսոն Ստեփանյանին: Երկրորդ անգամ լեգենդար օ-
դաչուն հերոսի կոչման է ներկայացվել 1942թ. հոկտեմբեր- 1944թ. օգոստոս Լե-
նինգրադի, Էստոնիայի, Լիտվայի և Լատվիայի ծովամերձ շրջաններում կատա-
րած 239 մարտական թռիչքների ժամանակ հակառակորդի ծովային և ցամաքա-
յին ուժերին մեծ կորուստներ պատճառելու և ցուցաբերած հերոսության համար:
Այդ ժամանակ նա հանդիսանում էր Բալթյան նավատորմի ռազմածոդային ուժերի
11-րդ գրոհային ավիադիվիզիայի 47-րդ գրոհային ավիգնդի հրամանատար: Նել-
սոնին կրկնակի հերոսի կոչման հրամանագիրը տրվեց 1945թ. մարտի 6-ին, սա-
կայն մինչ այդ՝ 1944թ. դեկտեմբերի 14-ին, անվեհեր օդաչուն զոհվել էր Լատվիա-
յի Լիբավա ծովախորշի շրջանում տեղի ունեցած օդային մարտում:

Լեհաստանի տարածքում կատարած սխրանքների համար հերոսի կո-
չում է շնորհվել 5 արցախահայի. 350-րդ հրաձգային դիվիզիայի 1176-րդ
հրաձգային գնդի դասակի հրամանատար, լեյտենանտ Ռուբեն Բաղիրյանին (Բա-
գիրով), 389-րդ հրաձգային դիվիզիայի 545-րդ հրաձգային գնդի վաշտի հրամա-
նատար, ավագ լեյտենանտ Թեմիկ Ավթանդիլյանին, 13-րդ զվարդիական բրիգա-
դի 2-րդ տանկային դասակի հրամանատար, զվարդիայի ավագ լեյտենանտ Վա-
ղինակ Զաքարյանին (երեքն էլ 1-ին Ուկրանիական ռազմաճակատից), 82-րդ զ-
վարդիական հրաձգային դիվիզիայի 86-րդ զվարդիական առանձին հակատան-
կային կործանիչ զուևարտակի հրամանոթի հրամանատար, զվարդայի սերժանտ Սու-
րեն Գասպարյանին (Կասպարյան) և 20-րդ առանձին հակատանկային բրիգադի
1184-րդ հակատանկային գնդի մարտկոցի հրամանատար ավագ լեյտենանտ
Կոնստանտին Նազարյանին (Նազարով). երկուսն էլ Բելոռուսական ռազմաճակա-
տից:

Չորս արցախահայեր հերոսի կոչման են արժանացել Հարասլավիայում,
Չեխոսլովակիայում, Հունգարիայում և Գերմանիայում կատարած սխրանքների
համար, որոնցից մեկը՝ հետմահու: Հետմահու հերոսի կոչման արժանացած հա-
յորդին՝ 109-րդ զվարդիական հրաձգային դիվիզիայի 309-րդ զվարդիական
հրաձգային գնդի 1-ին զուևարտակի գնդացրային դասակի հրամանատար,
զվարդիայի լեյտենանտ Արամ Սաֆարյանն (Սաֆարով) էր: Նա հայրենիքի պատ-
վաճոր և բարձրագույն կոչման արժանացել էր 1944թ. հոկտեմբերի 7-8-ին Հա-
րասլավիայի մայրաքաղաք Բելգրադից մի քանի կիլոմետր հարավարևելք
գտնվող Ռիտոպեկ գյուղի շրջանում Դանուբը գետանցելու և նրա աջ ափին գրա-
ված հենակետը պաշտպանելու մարտում կատարած սխրանքի համար:²

1945թ. ապրիլի 30-ին Չեխոսլովակիայի Մորավսկա Օստրավա և մայի-
սի 8-ին Օլոմուց քաղաքների ազատագրման մարտերում իր զորամասի գործո-
ղությունները հմտորեն ղեկավարելու և դրսևորած խիզախության համար կոչման
արժանացավ: Չորրորդ Ուկրանիական ռազմաճակատի 30-րդ հրաձգային դի-
վիզիայի 71-րդ հրաձգային գնդի հրամանատար, փոխգնդապետ Գրիգոր Բաղյա-
նը:³

1945թ. հունվարի 5-18-ը Հունգարիայի մայրաքաղաք Բուդապեշտի
զրավման մարտերում և Դանուբ գետը հաղթահարելիս ցուցաբերած խիզախու-

¹ Տես՝ Նելսոն Ստեփանյան, փաստաթղթերի ու նյութերի ժողովածու, Ե., 1968, էջ 6-9:

² ՈՂ ՊՆԿԱ, ֆ.33, ց. 793756, գ. 42, թթ. 208-209:

³ Նույն տեղում, գ. 4, թ. 63:

թյան համար հերոսի կոչման է արժանացել Երկրորդ Ուկրանիական ռազմաճակատի 5-րդ զենիթային-հրետանային դիվիզիայի 743-րդ զենիթային-հրետանային գնդի մարտկոցի հրամանատար, ավագ լեյտենանտ Էդուարդ Այանյանը:¹

Օդեր գետի ծախս ավին գտնվող զերմանիական Կյուստրին քաղաքի գրավման համար 1945թ. ապրիլի 16-ի մարտում կատարած սխրանքի համար հերոսի կոչման է արժանացել Առաջին Բելոռուսիական ռազմաճակատի 301-րդ հրաձգային դիվիզիայի 1054-րդ հրաձգային գնդի 1-ին հրաձգային գումարտակի կոմերիտական կազմակերպիչ, լեյտենանտ Դրամտ Ավագյանը:²

Արցախահայերից վերջինը՝ 1975թ. մայիսի 15-ին խորհրդային Միության հերոսի կոչման է արժանացել ԽՍՀՄ վաստակավոր փորձարկող-օդաչու Ռաֆայիլ Գաբրելյանը (Կապրելյան): Նա հայրենիքի բարձր պարգևին է արժանացել Զայրենական մեծ պատերազմի տարիներին Զեռահար ավիացիայի շարքերում, որպես 89-րդ ավիատրանսպորտային ավիագնդի հրամանատար Կարմիր բանակի Գլխավոր շտաբի հատուկ հանձնարարությունները կատարելու նպատակով իրագործած 110 մարտական թռիչքների և հետպատերազմյան տարիներին նոր տիպի 86 ինքնաթիռների և ուղղաթիռների փորձարկումների ժամանակ ցուցաբերած խիզախության համար՝ Զաղթանակի 30-ամյակի առթիվ:³

Այսպիսով, ամփոփելով մեր ուսումնասիրության արդյունքները, գալիս ենք այն եզրահանգման, որ Երկրորդ համաշխարհային պատերազմի տարիներին խորհրդային Զայաստանից հետո Արցախը տվել է ամենից շատ հերոսները՝ թվով 27: Նրանցից երկուսը այդ բարձրագույն կոչմանն արժանացել են կրկնակի անգամ: Նման ցուցանիշներ չեն ունեցել Արցախի հարևան հանրապետություններից և ոչ մեկը: Այս ամենը մեկ անգամ ևս ապացուցում է արցախահայերի անընկճելի ոգին, հին դարերից սերնդե սերունդ փոխանցվող մարտական հերոսական ավանդույթները, որոնք իրենց փայլուն արտահայտությունը գտան ոչ միայն առաջադեմ մարդկության ոխերիմ թշնամու ֆաշիզմի դեմ մղված պայքարի տարիներին, այլև 20-րդ դարի վերջին թուրք-ազերների դեմ արցախահայերի մղած ազգային-ազատագրական պատերազմում, որն ավարտվեց քուլոր ավազակների ամոթալի լծի թոթովումով, Լեռնային Ղարաբաղի Զանրապետության կազմավորումով և մայր Զայաստանի հետ նրա միանալու ամենառեալ պայմանների ստեղծումով:

¹ Նույն տեղում, գ., 3, թ. 259:

² Նույն տեղում, գ. 1, թ. 55:

³ Տես Ռուսաստանի Դաշնության Պաշտպանության Նախարարության գլխավոր կադրերի վարչության խորհրդային Միության հերոսների բաժնում. պահվող զնդապետ Ռ.Ի. Կապրելյանի անձնական քարտը: